

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiineq**

2022-mut aningaasat inatsit pillugu isumaqatigiissuteqartut soraarnerussutisiaqalernissami aaqqissuussinermut peqataasussaataaneq pillugu Inatsisartut inatsisaat misissorneqassasoq isumaqatigiissutigaa.

Misissuinermi ilaatigut Inatsisartut inatsisaata atuutilersinneqarnissaanut kingornalu pisunit misilittakkanik misissuineq ilaavoq.

Innuttaasorpasuit inatsit 1. januar 2018-imi atuutilersinnera imaluunniit qanorluunniit atuutilersanersoq ilisimangilaat. Naliliutaavoq, Inatsisartut inatsisaata atuutilersinnissaa sioqqutingaatsiarlugu annertunerusumik paasisitsiniaasoqarsimassagaluartoq. Paasisitsiniaanermi innuttaasut, sulisitsisut, namminersortut kattuffiillu ilanngunneqartussaasimassagaluarput.

Tamatuma saniatigut IT-mi nalunaarsuiffiup atorneqarluarsinnaasup ineriartortinnera ajornartorsiutaasimavoq. Ajornartorsiutinut pissutsit arlallit pissutaapput, tassunga ilanngullugit suliap kingusinaarluni aallartinneqarnera, isumalluutininik pingaarnersiuneq, suliassamik naammanngitsumik ilisimasaqarneq, paatsuinerit il.il. Ajornartorsiutit ilaatigut suliamik ingerlatsinermi kukkunernik, suleriaatsinik naleqqutinngitsunik il.il. kinguneqarput. IT-mi nalunaarsuiffiit aaqqinnissaannut nukippasuit atorneqarput, ajornartorsiuterpassuillu maannakkut aaqqinneqareerput aaqqinneqalerlutilluunniit. Misilittakkat taakku takutippaat IT-mik ineriartortitsinerni taamaattuni suliamik ingerlatsinermi naammattumik piginnaasalinnik sulisoqartariaqarneq aallaqqaataaniilli pingaaruteqartoq.

Paasinarsivoq taanna naatsuullunilu paasiuminaraluartoq Inatsisartut inatsisaannik pitsaasumik allaffissornikkut aqutsinissap qulakkeerneqarnissaa ilimagineqartumit ajornakusoornerusoq. Tamassumunnga pissutaasoq pingaaruteqartoq tassaavoq IT-mi nalunaarsuiffimmik ajornartorsiuteqarneq. Pissutaasoq alla tassaasimavoq suliassap immikkoortuni pingaarnerni suliassanit Akileraartarnermut Aqutsisoqarfiup sularisartagaanit allaanerup pineqarnera. Taamaammatt suliassap piginnaasalinnik inuttalernerneqarnissaa ajornakusoortuusoq paasinarsivoq, pingaartumik innuttaasunik toqqaannartumik sullissinermut tunngatillugu. Nammineq suliffimmi inatsimmik sunniutaanillu ilinniartitsisoqaraluartoq innuttaasunut suliffeqarfimnullu atassuteqarneq piffissat ilaanni ajornartorsiutaanikuvoq. Pissutaasut pingajuat tassaavoq, Akileraartarnermut Aqutsisoqarfiup piffissami tassani suliniutit nutaat arlallit ineriartortinneri atuutilersinnerilu. Assersuutigalugu pineqartut tassaapput pisortat ataatsimut aningaasaqarnermi nalunaarsuiffiat Prisme, suliniut maannakkut atorunnaarsinneqareersoq Ilanngaassivik, suliffeqarnermut ilanngaata nutaaq, akitsuutininik nutaanik allannguneq atuutilersitsinerlu, akileraartarnermik aaqqissuusseqqinnissamik piareersaaneq, akiliisitsiniartarnerup avataani sularineqartarnissaa pillugu eqqarsaatit. Misilittakkat takutippaat suliassanik nutaanik ineriartortitsinermut

atuutilersitsinermullu nukissat atorneqarsinnaasut killeqartut. Taamaalilluni iluatsitsinissami pisariaqartoq tassaavoq ineriartortitsinermi suliassanik assigiinngitsunik ingerlaavartumik pingaarnersiuissarnissaq, taamaalilluni sulisunik piginnaasaqartunik amigaateqarnermi suliniutit pitsaasumik piviusunngortinnissaat pinngitsoortinneqarlutik.

Inatsit maannakkut akileraaruseriaatsimi immikkoortunik tungaveqarpoq. Tamassuma inatsisip pisariitsuunissaa qulakkeertussaavaa. Tamannali akileraartarnermi ajornartorsiutit soraarnerussutisiassanik aaqqissuussinermi peqataasussaatitaanermut sunniuteqarnerannik peqatigitillugu kinguneqarpoq. Inatsisartut inatsisaata atuutilersinneqarnerata ajoraluartumik takutippaa sulisitsisut, soraarnerussutisiaqartitsisut allallu ilaasa paasissutissanik Akileraartarnermut Aqutsisoqarfimmut eqqortumik nalunaaruteqarneq ajortut. Kukkunerit taamaattut siusinnerusukkut innuttaasut ataasiakkaanut annikitsumik kinguneqarajuttarnikuupput. Kisianni Inatsisartut inatsisaatigut nalunaaruteqarnermi kukkunerit taamaattut innuttaasut ileqqaartussaatitaanerisa naatsorsornerannut aamma pingaaruteqalerput. Taamaalilluni Akileraartarnermut Aqutsisoqarfiup soraarnerussutisiaqarnissami aaqqissuussinermut peqataasussaatitaaneq pillugu aalajangiineri arlallit kukkusumik nalunaarutiginninnermut tunngatinneqarsinnaasut paasinarsivoq. Inatsisartut inatsisaannik misilittakkat taamaalillutik takutippaat sulisitsisunut, soraarnerussutisiaqartitsisunut allanullu ujartuinerunissamik ilitersuinerunissamillu pisariaqartitsisoqartoq. Misilittakkat aamma takutippaat sulisitsisut soraarnerussutisiaqartitsisullu Danmarkimi akileraartarnermut oqartussanit nalunaarutit pillugit ullumikkornit annertunerusumik paasissutissatik pissarsisarnissaat naleqqutissasoq.

2022-mut aningaasanut inatsimmut atatillugu innuttaasut soraarnerussutisiaqarnissami aaqqissuussinermut akiliisarnerat tamassuminngalu atuutilersitsineq qaqugu aallartinnaannut isertitat killissaasa qaffannissaat akuerineqarpoq. Tamatuma saniatigut akileraartarnermut aqutsisoqarfiup nikingassutaasinnaasunik innuttaasunut qaqugu akileeqqusinissaannut minnerpaaffissat qaffanneqarput. Allanguutini ilaatigut siunertaavoq innuttaasunut appassisumik isertitaqartunut isumaqatigiissutit malillugit atorfeqanngitsunut pissutsit pitsanngortinneqarnissaat. Allanguutini aamma siunertaavoq aaqqissuussinermik allaffissornikkut aqutsinermi innuttaasunullu allaffissornikkut suliassiivallaarnerit killilerneqarnissaat.

Soraarnerussutisiaqalernissami aaqqissuussinermut peqataasussaatitaanermik atuutilersitsinermi misilittakkat tamarmiusut takutippaat suliassat taamaattut siusissukkut aallartinneqartarnissat, annertuumik ujartuillunilu paasisitsiniaasarnissaq, taavalu suliffeqarfinnik kattuffinnillu pingaaruteqartunik paasissutissaliisartunik ujartuinerunissaq, suliassamik ineriartortitsinermut atuutilersitsinermullu naammattumik piginnaasalinnik sulisoqarnissaq, aaqqiissutissat naleqquttut qulakkeernissaat siunertaralugu IT-mik avataanit pilersuisut siusissukkut peqataatinneqartarnissaat pingaaruteqartut.

Soraarnerussutisiaqarnissamut peqataasussaatitaanermik atuutilersitsinermi misilittakkat pitsaanerpaajunngikkaluartut, qularutissaanngilaq inatsit pisortat aamma piffissami sivisuumi attanneqarsinnaasumik aningaasaqarnissaannik tapersiinnissaq pillugu siunertamik eqqortitsisoq, peqatigitillugulu soraarnerussutisiaqartut inuuniarnermi atugaanik pitsanngortitsisoq.

Naatsorsueqqissaartarfik 2020-mi inuit qanoq amerlatigisut isertitat annertussusaannut agguarlugit inuussutissarsiornermi isertaqarnersut naatsorsuivoq.

<b>Isertitat</b>	Ukiut 67	Ukiut 68	Ukiut 69	Ukiut 70	Ukiut 71
100.000 tikillugit	279	260	269	334	2.296
100-150.000	19	23	12	5	41
150-200.000	10	9	11	8	30
200-250.000	17	12	8	5	15
250-300.000	14	4	12	5	17
300-350.000	16	11	7	6	12
350-400.000	14	8	5	9	18
400-500.000	14	20	5	5	13
500-600.000	10	14	4	4	11
600-700.000	8	5	5	4	10
O. 700.000	16	10	11	5	19

Naatsorsuinerup takutippaa innuttaasut 2.482-it 70-it sinnerlugit ukiullit 2020-mi inuussutissarsiornermi isertitaqartut. Innuttaasut 70-it sinnerlugit ukiullit 2020-mi inuit 3.931-upput. Tassa innuttaasut utoqqalinersiaqartut 63 procentiisa missaat ilassutaasumik inuussutissarsiornermi isertitaqarput. Taakku amerlapput, naak amerlanerit 100.000 kr.-t ataallugit isertaqaraluartut.

Suli sulinissamik nukissaqartut piumassuseqartullu suliffeqaannarnissaat, inuiaqatigiit aningaasaqarnerat tunngavigalugu pitsaasuvoq. Kisiannili innuttaasut ataasiakkaat utoqqalinersiamik tapertaqartinnissaat pisariaqartutut isiginerinnaa pissutiginnarlugu taamatut toqqaasariaqarsimappata, tamanna ajornartorsiutaavoq, inuiaqatigiittut atugarissaartutut iliuseqarluni isummerfigineqartariaqartoq.

Utoqqaat ukiuni makkunani amerliartortorjuupput. Tamassuma utoqqalinersianut aningaasartuutit ukiuni aggersuni qaffakkiartornissaata kinguneraa. Peqqinnissaqarfimmut, utoqqaat angerlarsimaffiinut utoqqaallu illuinut, angerlarsimaffimmi ikiorteqarnernut, atortunik ikiuutinik pissarsinermut il.il. aningaasartuutit qaffakkiartornerat tamatuma aamma kinguneraa.

Innuttaasut katitigaanerisa allanngornera taamaalilluni Kalaallit Nunaani aningaasaqarnermut annertuumik ernumalersitsivoq. Apeqqut tassaavoq siunissami aningaasaqarnermi ajornartorsiutit innuttaasut pisortallu akornanni qanoq agguarneqassanersut. Illuatungaani innuttaasut soraarnerussutisiaqarnissamut ukioqalersut utoqqalinersiaminnut tapitut sulisariaqarnerat akuerineqarsinnaangilaq. Aappaatigut utoqqalinersianik aaqqissuussinermik, inuiaqatigiinni suliassat allat pingaaruteqartut, soorlu assersuutigalugu ilinniartitaanermut suliassaqarfik sumiginnarneqarluni, aningaasaqarnikkut aningaasartuuteqarfiuallaartussamik, peqarnissaq iluaqutaangilaq.

Soraarnerussutisiaqarnissamik aaqqissuussinermut peqataasussaataaneq utoqqalinersiaqartut siunissami utoqqalenersiaminnut tapiutit sulisariaqarnermik misiginnginnissaasa qulakkeernissaanut pingaaruteqartumik sakkuvuq. Utoqqalinersiat innuttaasut namminneq ileqqaagaannik tapertaqassapput. Peqatigitillugu nammineq soraarnerussutisiassanut

ileqqaarutinit pisartagaqarnerup pisortat utoqqalinersiaqarnermik aaqqissuussinermik taamatut akisutigisumik pisortat aningaasaqarnerannik annertuallaamik atuisariaqarnerannik kinguneqartussaq annikillisissavaa.

Manna inatsisissatut siunnersuummi ilaatigut siunertaavoq soraarnerussutisiassanut ileqqaartussaataaneq pillugu allannguutit 2022-mut aningaasanik inatsisip isumaqatigiissutiginiarnerani isumaqatigiissutaasut inatsisikkut aalajangersaganngortinnissaat. Allannguutit taakku taamaallaat 2022-mut aningaasanut inatsimmuut oqaaseqaatini allaqqapput. Kisiannili inatsisini atajuartussamik allannguutit oqaaseqaatitigut piviusunngortinneqarsinnaanngillat, taamaammallu inatsimmi namminermi ilanngunneqarnissaat pisariaqarpoq, taamaanngippat taakku 2022-p naanerani atorunnaartussaammata.

Tamassuma saniatigut ilaatigut inatsisip misissornerata ilaatigullu inatsimmik allaffissornikkut aqutsinermi misilittakkat kingunerannik allannguutit annikitsut siunnersuutigineqarput.

Naalakkersuisut isumaqarput, inatsit matuma kingorna inuiaqatigiit aningaasaqarnerisa sivisuumik nappassinnaanerata qulakkeernissaanik pisariaqartitsinerup aamma innuttaasut pisisinnaassusiisa qulakkeernissaanik pisariaqartitsinerup akornanni naleqquttumik oqimaaqatigiissitsinermik takutitsisoq.

## **2. Siunnersuummi immikkoortut pingaarnerit**

Soraarnerussutisiassanut aaqqissuussinerit Centralforeningen for Stampersonels Pensionsfondimi (CS-Pensionsfond) HKKF-fondiniluunniit pilersinneqartuni inatsimmi piumasaaqatiniq eqqortitsinissaat erseqqissarneqassasoq siunnersuutigineqarpoq. Aningaasaateqarfik imminut pigisuuvoq, ilaasortat Danmarkimi Sakkutuunut aamma Sillimaniarnermut Aqutsisoqarfimmuut isumaqatigiissutaat naapertorlugu akiliutinik aqutsinermi utoqqalinersiaqarnissaq siunertaralugu ileqqaakkanut akuerisaasanut atorunnaarissaannik siunertaqartoq.

Sakkutuuni atorfeqartut ilaat Kalaallit Nunaanni sulisut atorfeqarnermik kinguneranik CS-Pensionsfondimut HKKF-fondinulluunniit akiliisarput. Taamaammatt aningaasaateqarfimmut akiliutit taakku atorfeqartut akiliutaannik naatsorsuineri ilanngunneqarnerat Inatsisartut inatsisaannut tassanilu siunertamut naapertuulluarpog.

§ 2, imm. 2, nr. 1-4-mi inuup tjenestemanditut soraarnerussutisiaanik aalajangersaanermi tunngavigineqartuni aningaasarsiat immikkuualuttui ilaanerat erseqqissarneqassasoq siunnersuutigineqarpoq. Tjenestemandit immikkut tapii aningaasarsiallu immikkuualuttorisinnaasai allat ilaatinneqanngitsunut ilaannginnerat, taamaalillunilu ileqqaaruteqarnissamut tunngavimmik naatsorsuineri ilanngullugit naatsorsorneqartarnissaannik erseqqissaaneq siunertaqarpoq. Immikkoortumi inatsisitigut inissisimanerup allanngornera pineqanngilaq. Politiforbundilli maanna periutsit kukkusuunerat oqaatigimmagu, innuttaasut pineqartut pillugit malittarisassat erseqqissarneqarnissaat naapertuuttuutinneqarpoq.

Inatsisartut inatsisaanni § 3 imm. 1-imit 4-mut isertitat killingi 100.000 kr.-nit 125.000 kr.-nut aamma 150.000 kr.-nit 175.000 kr.-nut qaffanneqassasut siunnersuutigineqarpoq. Imm. 1-imit 4-mut ileqqaaruteqartussaataaneqarup qaqugu atuutilernissaanut aningaasat killinginik aamma ukiut ingerlaneranni aningaasat qanoq atuutinneqarnissaannik imaqarput.

Allannguutini innuttaasut appasissunik isertitaqartut atorfeqarnermi pissutsit kingunerinnigisaannik soraarnerussutisiaminnut ileqqaagaqanngitsut aningaasatigut atugassaat pitsanngortinneqarsinnaalerneqarput. Siunnersuummi allannguutit 2022-mut aningaasanut inatsimmut atatillugu akuerineqartut ingerlateqqinneqarput.

Tamatuma saniatigut Inatsisartut inatsisaanni § 7. imm. 2-mi aningaasat minnerpaaffissaat 2.000 kr.-nit 4.000 kr.-nut qaffanneqassasut siunnersuutigineqarpoq. Siunnersuummi innuttaasut appasissunik isertitaqartut aningaasaqarnermi nanertuutaat killilerneqarpoq aammalu akileraaruseriffiup allaffissornermi suliassai annikillisinneqarlutik.

### **3. Pisortanut aningaasaqarnermi allaffissornermilu kingunerisassat**

Siunnersuut pisortanut aningaasaqarnermi piffissami sivikitsumi kingunerisassaqaanngilaq.

Piffissami sivisunerusumi inuiaqatigiit aningaasaqarneranni attassiinnarnissami ajornartorsiutaat annertusissaaq, tassa inuttaasut ilai soraarninngorunik imminnut pilersornikinnerulissammata.

Naatsorsuutaavoq allaffissornermi aningaasat minnerpaaffissaasa qaffasinnerusut kingunerannik suliassat annikillilaassasut.

### **4. Inuussutissasiortunut aningaasaqarnermi allaffissornermilu kingunerisassat**

Naatsorsuutaavoq siunnersuut inuussutissarsiortunut aningaasaqarnermi allaffissornermilu kingunerisassanngitsoq.

### **5. Avatangiisinut, pinngortitamut inuiaqatigiillu peqqissusaannut kingunerisassat**

Siunnersuut avatangiisinut pinngortitamullu kingunerisassaqaanngilaq. Siunnersuut aamma inuiaqatigiit peqqissusiannut tunngatillugu kingunerisassaqaanngilaq.

### **6. Innuttaasunut kingunerisassat**

Allannguutini innuttaasut appasissunik isertitaqartut atorfeqarnermi pissutsit kingunerinnigisaannik soraarnerussutisiaminnut ileqqaagaqanngitsut sivikitsumi aningaasatigut atugarissaarnerulersissavai. Innuttaasulli taakku inuunermi annikinnerusunik ileqqaagaqaramik soraarninngorunik aningaasanik ikinnerusunik inuussutissaqassapput.

Siunnersuut innuttaasunut tamassuma saniatigut kingunerisassaqaanngitsoq naatsorsuutigineqarpoq.

### **7. Kingunerisassat annertuut allat**

Siunnersuut allanik kingunerisassaqaanngitsoq naatsorsuutigineqarpoq.

### **8. Pisortanik kattuffinnillu il.il. tusarniaaneq**

Siunnersuut 1. junimit 1. julimut 2022-mi soqutigisaqartunut ukununga tusarniutigineqarpoq:

Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Grønlandske Advokater, SIK, GE, Sulisitsisut, NUSUKA, GrønlandsBanken, BankNordik, ASG, IMAK, KNAPK, PPK, AK, NPK, PFA, SISA, Siulittaasup Naalakkersuisoqarfia, Inuussutissarsiortnermut Niuernermullu Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut Sulisoqarnermullu Naalakkersuisoqarfik, Ilinniartitaanermut,

Kultureqarnermut, Timersornermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Nunalerinermut, Imminut Pilersornermut, Nukissiuteqarnermut Avatangiisinullu Naalakkersuisoqarfik. Ineqarnermut Attaveqarnermullu Naalakkersuisoqarfik, Aatsitassanut Inatsisinillu Atuutsitsinermut Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, Aningaasaqarnermut Aqutsisoqarfik aamma Illersornissamut Ministeriaqarfik.

Siunnersuut aamma piffissami qulaani taaneqartumi tusarniaarnermut nittartakkami pissarsiarineqarsinnaavoq.

Tusarniaanermi akissutit tiguneqartut immikkoortui pingaarnerit ilanngussaq 1-imi ataaniittumi ilanngunneqarput oqaaseqarfigineqarlutillu.

## **Aalajangersakkanut ataasiakkaanut nassuiaatit**

### § 1-imut

#### Nr. 1-imut

Siunnersuummi Centralforeningen for Stampersonels Pensionsfond-imut (CS-Pensionsfond) HKKF-fondinulluunniit akiliutit inatsit tunngavigalugu soraarnerussutisiassanut aaqqissuussinermut akiliutit isigineqarnerat erseqqissarneqarpoq.

#### Nr. 2-mut

Imm. 2, nr. 1-4-mi aalajangersakkami akiliutit inuup tjenestemanditut soraarnerussutaanik aalajangersaanermi tunngaviusut ilaatinneqarnerat pineqarmat erseqqissarneqassasoq siunnersuutigineqarpoq.

#### Nr. 3-mut

Imm. 1-imit 4-mut aningaasat killingi 100.000 kr.-nit 125.000 kr.-nut aamma 150.000 kr.-nit 175.000 kr.-nut qaffanneqassasut siunnersuutigineqarpoq.

Qaffaanermut procentit akuerineqareertut tamarmik ilanngunneqarput taamaammallu inatsit 2023-mi qaffaassutinut atuutissallutik.

#### Nr. 4-mut

§ 7, imm. 2-mi aningaasat minnerpaaffissaat 2.000 kr.-nit 4.000 kr.-nut qaffanneqassasut siunnersuutigineqarpoq.

### § 2-mut

Inatsisartut inatsisaat ulloq 1. januar 2023 atuutilersinneqassasoq siunnersuutigineqarpoq.

## Ilanngussaq 1

<b>Siunnersuutip inatsimmut atuuttumut sanilliunnera</b>	
<i>Oqaasertat maanna atuuttut</i>	<i>Siunnersuut</i>
	<b>§ 1</b> Soraarnerussutisiaqalernissami aaqqissuussinermut peqataasussaataaneq pillugu Inatsisartut inatsisaanni nr. 21, 28. november 2016-imeersumi, Inatsisartut inatsisaatigut nr. 18, 30. november 2020-mi allanngortinneqartumi makkuninnga allannguisoqarpoq:
<p>§ 1. [...] <i>Imm. 3.</i> Soraarnerussutisianut aaqqissuussineq soraarnerussutisiaqarnissamut aningaasaateqarfimmi Danmarkimi imaluunniit Kalaallit Nunaanni angerlarsimaffeqartumi, imaluunniit inuunermut imaluunniit soraarnerussutisiaqarnissamut sillimmasiisarfimmi Danmarkimi imaluunniit Kalaallit Nunaanni angerlarsimaffeqartumi, imaluunniit aningaaserivimmi Kalaallit Nunaanni angerlarsimaffeqartumi imaluunniit aalajangersimasumik ingerlatsiveqartumi, pilersinneqarsimassaaq, taamaattoq takuuk imm. 4. Soraarnerussutisiaqarnissamut aningaasaateqarfik, inuunermut imaluunniit soraarnerussutisiaqarnissamut sillimmasiisarfik imaluunniit aningaaserivik aningaasalersuinermik suliaqarneq pillugu inatsimmi pineqartunut ilaassasoq aammalu allatigut suliaqarneq pineqartoq ingerlannissaanut Finanstilsynimit akuersissummik peqassasoq, piumasqaataavoq.</p>	<p><b>1. § 1, imm. 3, ima oqaasertalerneqassaaq:</b> “ Imm. 3 Soraarnerussutisiaqalernissamut aaqqissuussineq soraarnerussutisiaqarnissamut aningaasaateqarfimmi Danmarkimi imaluunniit Kalaallit Nunaanni nalunaarsorsimaffeqartumi imaluunniit inuunermut soraarnerussutisiaqalernissamullu sillimmasiisarfimmi Danmarkimi imaluunniit Kalaallit Nunaanni nalunaarsorsimaffeqartumi imaluunniit aningaaserivimmi Kalaallit Nunaanni nalunaarsorsimaffeqartumi aalajangersimasumilluunniit ingerlatsiveqartumi pilersinneqassaaq, imm. 4-li imaluunniit uani Centralforeningen for Stampersonels Pensionsfond (CS-Pensionsfond) imaluunniit HKKF-fond takuuk. Piumasqaataavoq soraarnerussutisiaqarnissamut aningaasaateqarfik, inuunermut soraarnerussutisiaqalernissamullu sillimmasiisarfik imaluunniit aningaaserivik aningaasanik ingerlatsineq pillugu inatsimmi ilaassasoq suliffeqarfillu pineqartoq ingerlatsinissamut Finanstilsynimit akuerineqarluni.”</p>
<p><b>§ 2.</b> Ileqqaarnissamut tunngaviusut tassaapput inuup A-nit aamma B-nit isertitai katillugit, aningaasat aningaasarsianit akileraarutit pillugit Inatsisartut inatsisaanni § 41, imm. 2, aamma § 47 b, imm. 6 malillugit isertitanik akileraaruteqaataasussanik naatsorsuinermi ilaatinneqartussaannngitsut ilassutigalugit, taamaattoq takuuk imm. 2 aamma 3.</p>	<p><b>2. § 2, imm. 3 kingorna ikkunneqassaaq:</b> “ <i>Imm. 4.</i> Imm. 2-mi nr. 1-4-mi aalajangersakkani akiliutit inuup tjenestemanditut soraarnerussutaanut tunngaviit ilaatinneqarput.”</p>



<p>Imm. 2. Ileqqaarnissamut tunngaviusut naatsorsorneqarneranni makku naapertorlugit tunniunneqartartut ilanngunneqassanngillat:</p> <ol style="list-style-type: none"> <li>1) Kalaallit Nunaanni Namminersorerullutik Oqartussani kommuninilu tjestemandit pillugit Inatsisartut inatsisaat,</li> <li>2) Tjestemandit Inatsisartut suliffeqarfiini atorfillit pillugit Inatsisartut inatsisaat,</li> <li>3) Naalagaaffimmi tjestemandit atorfillit Kalaallit Nunaanniittut pillugit inatsit,</li> <li>4) Tjestemandit pillugit inatsit</li> <li>5) Inuit innarluutillit taperserneqartarnissaannut Inatsisartut inatsisaat,</li> <li>6) Meeqqanut tapiissutit pillugit Inatsisartut inatsisaat,</li> <li>7) Meeqqat tapersersorneqarnissaannut Inatsisartut inatsisaat,</li> <li>8) Pisortanit ikiorsiissutit pillugit Inatsisartut peqqussutaat,</li> <li>9) Utoqqalinermi pensionisiat pillugit Inatsisartut inatsisaat,</li> <li>10) Siusinaartumik pensionisiat pillugit Inatsisartut inatsisaat,</li> <li>11) Inissiani attartukkani ineqarnermut tapiissutit pillugit Inatsisartut inatsisaat,</li> <li>12) Ilinniagaqarnersiutit pillugit Inatsisartut inatsisaat, aamma</li> <li>13) Borgmesterinik borgmesterillu tulliinik kiisalu kommunalbestyrelsinut nunaqarfinilu aqutsisunut ilaasortanik aamma najukkani ataatsimiititaliat ilaasortaannut il. il. akissarsiaqartitsineq pillugu Namminersorlutik Oqartussat nalunaarutaanni nr. 25, 30. december 2013-imeersumi § 2, § 12 aamma § 14, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24., 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisianut tapiissutinut tunngavissiusut, ilaanatik.</li> </ol>	
---	--

<p>Imm. 3. Ileqqaarnissamut tunngavissanik naatsorsuinermi makku aamma ilanngunneqassanngillat:</p> <p>1) meeqqanut akilersuutit, inuup angajoqqaavinit pisortanilluunniit akilerneqartussat, aamma</p> <p>2) pensionisiatut tunniunneqartut allat, Utoqqalinersiaqarneq pillugu Inatsisartut inatsisaanni pineqartunut ilaangitsut.”</p>	
<p><b>§ 3.</b> Inuup soraarnerussutisianut aaqqissuussineranut ukiuni aningaasarsiorfiusuni 2021-mi aamma 2022-mi akiliutit, ileqqaarnissamut tunngaviusut 150.000 koruuninik amerlanerusunilluunniit annertussuseqarpata, ileqqaarnermut tunngaviusut 6 procentiannit annikinnerussanngillat, taamaattoq takuuk imm. 2 aamma 5. Ukiut aningaasarsiorfiusut 2023-mit 2026-mut aallarnerfigalugit ilanngullugillu procentiliusaaq ukiumut 1 procentimik qaffanneqartassaaq, taamaalilluni akigititaq 2026-mi 10 procentiussalluni.</p> <p><i>Imm. 2.</i> Namminersorluni inuussutissarsiornermik suliaqarnermi sinneqartoorutit 150.000 koruuninik annertunerusunilluunniit annertussuseqarpata, imm. 1-imi aalajangersagaq apeqqutaatinnagu inuup ukiuni aningaasarsiorfiusuni 2021-mi aamma 2022-mi soraarnerussutisianut aaqqissuussinerminut akiliutai akileraaruteqaataasussat sinneqartoorutit 4 procentiinit annikinnerussanngillat, taamaattoq takuuk imm. 5. Ukiumi aningaasarsiorfiusumi 2023-mi akiliutit namminersorluni inuussutissarsiornermik suliaqarnermi akileraaruteqaataasussat sinneqartoorutit 5 procentiinit annikinnerussanngillat aammalu 2024-mit ukiunilu aningaasarsiorfiusuni tulliini 6 procentiinit annikinnerussanatik.</p> <p><i>Imm. 3.</i> Imm. 1 malillugu akigititaq atuuttoq ileqqaarnissamut tunngaviusut 100.000 koruuninik annertussuseqarpata inunnut akigititap 0 procentianiit ileqqaarnissamut tunngaviusut 150.000 koruuninik annertussuseqarpata inunnut akigititap 100 procentianut assigiimmik</p>	<p>Inuup soraarnerussutisiaqalernissami aaqqissuussinerminut akiliutai ukioq aningaasarsiorfimmi 2023-mi ileqqaarnissamut tunngavik 175.00 kr.-uppat qaffasinneruppalluunniit ileqqaarnissamut tunngaviup 7 procentianit annikinnerussanngilaq, imm. 2-li aamma 5 takukkit. Ukioq aningaasarsiorfimmi 2024-mit 2026-mut procenti ukiumut 1 procentimik qaffanneqartassaaq, taamaalilluni 2026-mi 10 procentiussalluni.</p> <p><i>Imm. 2.</i> Imm. 1-imi aalajangersagaq apeqqutaatinnagu inuup ukioq aningaasarsiorfimmi 2023-mi soraarnerussutisiaqalernissamut aaqqissuussinerminut akiliutai namminerisamik inuussutissarsiornermi sinneqartoorutit 175.00 kr.-uppata qaffasinneruppataluunniit sinneqartoorutit akileraarutaasussaatitaasut 5 procentiannit annikinnerussanngillat, imm. 5-imi takuuk. Ukioq aningaasarsiorfimmi 2024-mit ukiullu aningaasarsiorfiusuni tulliuttuni akiliutit namminerisamik inuussutissarsiornermi sinneqartoorutit akileraarutaasussaatitaasut 6 procentiannit annikinnerussanngillat.</p> <p><i>Imm. 3.</i> Imm. 1 malillugu qaffasissuseq atuuttoq inuit ileqqaarnissamut tunngaviat 125.000 kr.-uppat assigiiaamik 0 procentimit inuit ileqqaarnissamut tunngaviat 175.000 kr.-uppat 100 procentimut qaffanneqassaaq.</p> <p><i>Imm. 4.</i> Imm. 2 malillugu qaffasissuseq namminerisamik inuussutissarsiornermi inuit sinneqartoorutaat 125.000 kr.-uppat assigiiaamik 0 procentimit inuit sinneqartoorutaat 175.000 kr.-uppat 100 procentimut qaffanneqassaaq.”</p>

<p>qaffakkiartuaartinneqassaaq.  <i>Imm. 4.</i> Namminersorluni inuussutissarsiornermik suliaqarnermi imm. 2 malillugu akigititaq atuuttoq, sinneqartoorutit 100.000 koruuninik annertussuseqarpata inunnut akigititap 0 procentianiit sinneqartoorutit 150.000 koruuninik annertussuseqarpata inunnut akigititap 100 procentianut assigiimmik qaffakkiartuaartinneqassaaq.</p>	
<p><i>Imm. 2.</i> Naatsorsuinerup takutippagu inuup soraarnerussutisianut aaqqissuussineranut akiliutit aningaasat minnerpaaffissaannik annikinnerusut, nikingassutaasoq 2.000 koruuninik annertunerusimappat, inuk soraarnerussutisianut aaqqissuussinerminut nikingassutaasoq akilissagaa aammalu akiliineq akileraartarnermut ingerlatsivimmuup uppersarsassagaa, akileraartarnermut ingerlatsiviup piumasarsissavaa.</p>	<p><b>4.</b> § 7, <i>imm. 2</i>, allanngortinneqassaaq “2.000 kr.” uunga: “4.000 kr.”.</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2023 atuutilissaaq.</p>

**Ilanngussaq 2****Tusarniaanermut allakkiaq**

Aalisarnermut Piniarnermullu Naalackersuisoqarfimmit, Peqqissutsimut Naalackersuisoqarfimmit, Naalackersuisut Siulittaasuata Naalackersuisoqarfianit, Bank Nordikimit, Sulisitsisunit, Qeqqata Kommunanit, SISA-mit, Politi Forbundimit, Forsvarsministeriamit, Trafikforbundimit, AK-mit, Nunanut allanut, Inuussutissarsiornermut, Niuernermullu Naalackersuisoqarfimmit kiisalu Isumaginninnermut Suliffeqarnermullu Naalackersuisoqarfimmit tusarniaanermut akissutinik tigusoqartoqarpoq.

Tulliuttut siunnersuummut oqaatigisassaqaanngillat: Aalisarnermut Piniarnermullu Naalackersuisoqarfik, Peqqissutsimut Naalackersuisoqarfik, Bank Nordik, Sulisitsisut, Qeqqata Kommunia, SISA, AK, Nunanut allanut, Inuussutissarsiornermut, Niuernermullu Naalackersuisoqarfik kiisalu Isumaginninnermut Suliffeqarnermullu Naalackersuisoqarfik.

Siunnersuut § 3, imm. 1 aamma 2-mi procentinik allanneqartunik allannguinertut paasineqarsinnaasoq Naalackersuisut Siulittaasuata Naalackersuisoqarfiata oqaatigaa.

*Aalajangersakkanut ataasiakkaanut nassuiaatini procentiliussanik qaffaanerit akuersissutigineqareersut ilanngunneqareernerat, taamaammallu aalajangersakkat 2023-mi akiliutaasussanik aallaaveqartoq erseqqissaatigineqarpoq.*

Naalackersuisut Siulittaasuata Naalackersuisoqarfiata nassuiaatit nalinginnaasut immikkoortoq 1-iani nalunaarsuiffiup oqaasertaliussai kukkuneqarnertut erseqqissarpaa.

*Kukkuneq aaqqinneqarpoq.*

Inatsit qallunaat ataatsimoorussamik arbejdsmarkedspensioniiinut akiliutit kalaallit soraarnerussutisiaqalernissamut aaqqissuussinerinut akiliutit naligiillugit inatsimmi akuerineqartariaqartut, Forsvarsministeria isumaqarpoq.

*Oqaatigisat paatsoornermik toqqammaveqarsorinarput. Siunnersuummi § 1, nr. 1. (§1, imm. 3-mi) allaqqavoq qallunaat kalaallillu soraarnerussutisianik katersiviinut inuunermilluunniit soraarnerussutisiaqalernissamulluunniit sillimmasiisarfirmut akiliutit naligiittut. Qallunaat soraarnerussutisianut katersiviinut akiliutit, Forsvarsministeriami sulisut sipaaruteqarnissamik pisussaaffimmik naammassinninnerannik naatsorsuineri ilanngunneqartarnerat tamatuma ilaatigut kinguneraa.*

Aaqqissuussineq Forsvarsministeriap sulisuinut qallunaat isumaqatigiissutaat malillugit isumaqatigiissuteqartunut nammineq piumassutsimik aaqqissuussanngortinneqarnissaa, Forsvarsministeriap kaammattuutigaa.

*Kaammattuut ilisimasat naapertorlugit paasinerluinermik tunngaveqarpassimmat, siunnersuut ilanngunneqaanngilaq.*

CS-pensionsfondini sipaakkanut akiliutit soraarnerussutisiassanut akiliutit allanut naligiissinneqarnerat, Forsvarsministeriap iluarisimaarlugu oqaatigaa. Tamatuma kingunerisaanik HKKF-fondit ilaat, SAMPENSION-imut ilaanngitsut,

soraarnerussutisiassanik katersanut akiliutit allanut sanilliunneqarnerat erseqqissaatigineqartariaqarpoq.

*Siunnersuut ilanngunneqarpoq.*

CS-pensionsfondinut il.il. akiliisoqarpat, Finanstilsynimit akuersissuteqartoqartariaqarneranik inatsisip piumasqaateqarnera pisariaqartutut Forsvarsministeriap isiginngilaa.

*Siunnersuut ilanngunneqanngilaq, siunnersuut § 1, nr. 1 (§1 imm. 3-mi), uniffiit aappaat taamaallaat soraarnerussutisianik katersivinnut, inuunermi soraarnerussuteqalernissamulluunniit sillimmasiisarfinni, aningaaserivinniluunniit nunatsinni nalunaarsorsimasut taamaallaat ilaatinneqarmata, CS-pensionsfondillu tusarniaanermut akissummi taama isigineqanngillat.*

Kalaallit Nunaanni naalagaaffiup tjenestemandit atorfegartitai, malittarisassat inatsisip siunertaanut naapertuutsillugit akissarsiaasa tamarmit soraarnerussutisiaqalernissamut pinngitsoornani katersisussaataaernermit ilaatinneqannginnissaat Trafikforbundip siunnersuutigaa. Tjenestemandit tunngaviusumik aningaasarsiamit saniatigut tapinit soraarnerussutisiaqalernissamik katersivimmu akiliisussaaneerat ilungersunartoqarpoq, tamannalu tjenestemandit aningaasanik atorsinnaasaanni akisoorujussuimmat naapertuutinngilaq.

*Siunnersuut erseqqissaateqarnissamut pissutissaqalersitsivoq, siunnersuummi § 1 nr. 2 (§ 2, imm. 4) takuuk.*

*Inatsit § 2, imm. 2-mi isertitat suut ileqqaarnissamut tunngavimmik naatsorsuinermi ilanngunneqartannginnissaannut aalajangersakkanik imaqarpoq. Inatsit naapertorlugit tjenestemandinut tapiissutit aamma ilaatinneqanngillat. Assersuutigalugu tjenestemandit inatsimmi toqqaannartumik ilaatinneqanngitsunik tapiissutisisarunik, taakku inatsimmi malittarisassat nalinginnaasut naapertorlugit pineqartup ileqqaarutissat tunngaviinut ilanngunneqassapput. Tamannaavorlu siunnersuutip nr. 2-ani erseqqissarneqartussatut siunnersuutigineqartoq.*

*Inatsisip innuttaasut soraarninngornerminnut atatillugu annertuumik isertitamikkut appariartuunnginnissaat, siunertaasa ilagaat. Tamanna aamma tjenestemandinut atuuppoq. Aallaavittut tjenestemandit soraarnerussutisiaat tunngaviusumik akissarsiaasa qaffasissusai tunngavigalugit naatsorsorneqartarput. Tjenestemandit amerlasuut sulinerminni tunngaviusumik aningaasarsiaasa saniatigut arlalinnik tapisiaqartarput. Tapit taakku katikkaanni aningaasarsiaasa katinnerannut annersarisarpai. Soraarninngornermi isertitanik appariarnerup annikinnermiitinnissaanik anguniagaq anguneqassappat, tjenestemandip ileqqaarutissatut tunngaviinik naatsorsuinerni tapit taakku ilanngullugit naatsorsorneqartarnissaat taamaammat pisariaqarpoq. Tapit annikinneruppata, pineqartorlu allanik isertitaqanngippat, § 3-mi qaqugu pinngitsoornani ileqqaaruteqartussaataaernerup aallartinnerani malittarisassat allanngortinnerisa malitsigisaanik innuttaasoq tapisiaminit ileqqaartussaassanngilaq.*

Naviar tjenestemandit tunngaviusumik aningaasarsiaasa katillugit 15 procentiannik Medarbejder- og Kompetencestyrelsimut soraarnerussutisiassanut ilapittuutunik akiliuteqartarpoq, tamannali sulisut qanoq annertutigisumik ileqqaaruteqarnerannik naatsorsuinermi ilaatinneqarneq ajorpoq.

*Naviairi soraarnerussutisinissami aaqqissuussamut sulisoq pineqartup pigisaanut ikisassanik akiliuteqartanngilaq. Taamaammatt tjenestemandip ileqqaarutaanik naatsorsuinermit tamanna ilanngunneqarsinnaanngilaq. Tamannalu peqatigisaanik ileqqaaruteqarnissamut pisussaaffimmit tjenestemandit tunngaviusumik aningaasarsiaasa ilaatinnginnissaat pisariaqalersippaa. Naviairip akiliutaa naalagaaffiup aningaasaliisarnermik aaqqissuussaata malitsigaa.*

Politiforbundi inatsisissatut siunnersuummi ataasiakkaanut oqaatigisassaqaanngilaq. Politiforbundip Kalaallit Nunaannilu Politiit Peqatigiiffiata 2016-imut inatsimmi 2020-miluunniit allannguutissatut inatsimmut nassuiaatini, tjenestemandinut soraarnerussutisiaqaataasutut aningaasarsiat (tassa qaffasissuseq tunngavigalugu aningaasarsiat), ileqqaaruteqarnissamut tunngavinnut ilaatinneqaannginnerattut malittarisassat paasissallugit tunngavissaqaanngitsoq oqaatigaat. Aalajangersakkat oqaasertaanni tjenestemandinut inatsisit naapertorlugit aningaasarsiat immikkuualuttui akilerneqartut ilaatinneqaannginnerat ersarissumik allassimavoq. Taakku malillugit aningaasarsiat immikkuualuttui, inatsisit taaneqartut tunngavigalugit isumaqatigiissutaasut (ataatsimut) isumaqatigiissutinik tunngaveqassapput. Tamanna aamma tapinut assigisaannullu tjenestemandit soraarnerussutisiassaasa naatsorsorneqarnerannut ilaatinneqaanngitsunut aamma atuuppoq. Taamaammatt Politiforbundip Kalaallit Nunaannilu Politiit Peqatigiiffiata periarfissaq atorlugu inatsimmik paasinninnerup isumaliutigeqqinneqarnissaa kaammattuutigaat, taamaaliornermilu tjenestemandinut aningaasarsiat tamakkiisut (tassa aningaasarsiat immikkuualuttui tamaasa) ileqqaaruteqarnissamut tunngavimmit ilaatinneqassanngitsut.

*Tusarniaanermi akissuteqaat siunnersuummi § 1, nr. 2-p erseqqissarneqarnissaanut pissutissaqalersitsivoq, taamaaliornikkut (§ 2, imm. 2 nr. 1-4) aalajangersakkat aningaasarsiat immikkuualuttui, inuup tjenestemandit soraarnerussutisiassaanic aalajangersaanermut tunngaviusut ilaatinneqarnerat siunnersuutigineqarluni. Trafikforbundimit tusarniaanermut akissummi sooq tjenestemandit tunngaviusumik aningaasarsiaasa tapisiaasalu akornanni immikkoortitsinermi oqaatigineqartut innersuussutigineqarput.*